



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-272/09
Sarajevo, 4.3.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.03.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-44/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 78. sjednici održanoj 26.2.2009. godine, utvrdilo je Odgovor na zastupnička pitanja koja je Vinko Zorić, zastupnik u Zastupničkom domu Parlamentarne skupštine Bosne i Hercegovine, postavio na 44. sjednici ovog doma održanoj 21.1.2009. godine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI/TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-272/09
Sarajevo, 26.2.2009. godine

Gospodin Vinko Zorić, zastupnik u Zastupničkom domu Parlamentarne skupštine Bosne i Hercegovine, postavio je Vijeću ministara BiH i Ministru za ljudska prava i izbjeglice zastupnička pitanja sljedeće sadržine:

1. „Koliko je i kako su potrošena sredstva za povratak u 2008. godini“?
2. „Da li su sredstva bila dovoljna“?
3. „Koliko je bilo zahtjeva opravdanih i eventualno neopravdanih i koliko ih je riješeno djelomično ili potpuno“?
4. „Kakve su procjene za 2009. godinu po istom pitanju“?

Na postavljena poslanička pitanja, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH”, broj 30/03, 42/03 i 81/06), na 78. sjednici održanoj 26. 02. 2009. godine, utvrdilo je sljedeći:

O D G O V O R

PITANJE:

1. „Koliko je i kako su potrošena sredstva za povratak u 2008. godini“?

ODGOVOR:

Zakonom o Budžetu institucija Bosne i Hercegovine i međunarodnih obaveza Bosne i Hercegovine („Službeni glasnik BiH”, broj 17/08 od 29.02.2008. godine), Ministarstvu za ljudska prava i izbjeglice odobrena su sredstva u iznosu od **32.500.000,00 KM** na ime programa povratka izbjeglica i raseljenih osoba.

Predmetna sredstva raspoređena su u skladu sa Zakonom o izbjeglicama iz BiH i raseljenim osobama u BiH („Službeni glasnik BiH”, br.23/99, 21/03 i 33/03) putem aktivnosti koje je provodilo Ministarstvo za ljudska prava i izbjeglice i Komisija za izbjeglice i raseljene osobe.

U koordinaciji sa nadležnim entitetskim ministarstvima i Vladom Brčko Distrikta Bosne i Hercegovine, unutar državne Komisije za izbjeglice i raseljene osobe, Ministarstvo za ljudska prava i izbjeglice BiH je potpisalo **Sporazum o udruživanju i realizaciji sredstava za podršku procesu povratka u BiH za 2008. godinu, 14. 04. 2008. godine.**

Predmetnim Sporazumom, Ministarstvo je za potrebe Zajedničkih projekata rekonstrukcije koje odobri Komisija za izbjeglice i raseljene osobe i koji se realiziraju putem Fonda za povratak, **udružilo sredstva u iznosu od cca 32. mil. KM.**

Ukupna udružena sredstava (sa nivoa države, entiteta i Brčko Distrikta BiH) iz ovog Sporazuma iznose cca 41. mil. KM, koja su Odlukama Komisije za izbjeglice i raseljene osobe, kako slijedi:

ZAJEDNIČKI PROJEKTI:

1.1. Obnova individualnih stambenih jedinica

Sredstva udružena u Fond za povratak u iznosu od 21,8 mil. KM usmjerena su za obnovu individualnih stambenih jedinica izbjeglica, raseljenih osoba i povratnika u 2008. godini. Ova sredstava namjenjena su za rekonstrukciju stambenih jedinica izbjeglica iz BiH, raseljenih osoba u BiH i povratnika, te su usmjerena u Brčko Distrikt BiH i 57 identificiranih prioriternih općina povratka. Ministarstvo za ljudska prava i izbjeglice BiH, je organizovalo potpisivanje Memoranduma o razumijevanju sa svim učesnicima uključenim u ovaj proces. Očekuje se sanacija oko 900 individualnih stambenih jedinica.

1.2. Obnova zgrada zajedničkog stanovanja

Sredstva udružena u Fond za povratak u iznosu od 8 mil. KM usmjerena su za rekonstrukciju stambenih jedinica povratnika u objektima kolektivnog stanovanja. Ministarstvo za ljudska prava i izbjeglice BiH je organizovalo potpisivanje Memoranduma o razumijevanju sa svim učesnicima uključenim u ovaj proces. Sve općine su izradile projektne prijedloge koji sadrže i liste korisnika (uz provjere ispunjavanja općih kriterija), a čijom realizacijom se očekuje sanacija ukupno 41 stambene zgrade/714 stambenih jedinica, izuzimajući **grad Mostar** koji na osnovu posebnog Sporazuma, dodatno sanira ukupno 27 objekata, tako da se ova sredstva udružuju.

1.3. Obnova stambenih jedinica korisnika kolektivnih centara i alternativnog smještaja

Sredstva udružena u Fond za povratak u iznosu od 4 mil. KM usmjerena su za rekonstrukciju stambenih jedinica korisnika iz kolektivnih centara i alternativnog smještaja.

1.4. Projekti obnove komunalne i socijalne infrastrukture i održivosti povratka

Sredstva udružena u Fond za povratak u iznosu od 5 mil. KM usmjerena su za realiziranje zajedničkih projekata održivosti povratnika kroz rekonstrukciju i obnovu komunalne i socijalne infrastrukture i druge vidove održivosti u mjestima realiziranog povratka.

Projekat se implementira u ukupno 48 općina i dva grada (ukupno 81 projekat) od čega je 26 projekata iz oblasti sanacije vjerskih objekata, 52 projekta iz oblasti infrastrukture i 3 projekta iz oblasti zapošljavanja. Pripremljena je investiciono-tehnička dokumentacija i radovi su u toku za ukupno 36 projekata.

1.5. Povratak u Brčko Distrikt BiH

Sredstva udružena u Fond za povratak u iznosu od 300.000 KM usmjerena su za potrebe rješavanja pitanja povratka u Brčko Distrikt BiH, te je u vezi toga donešena odgovarajuća odluka.

1.6. Pomoć povratnicima u Kozluk

Sredstva udružena u Fond za povratak u iznosu od 8.750,00 KM dodjeljena su MZ Kozluk u Opštini Zvornik, za kupovinu sjemenske pšenice, sadnica i đubriva za jesenju sjetvu u 2008.godini.

OSTALI PROJEKTI MINISTARSTVA

1.7. Povratak izbjeglica duševnih bolesnika iz Mađarske

Sporazumom potpisanim između Ministarstva za ljudska prava i izbjeglice Bosne i Hercegovine i Ministarstva zdravlja i socijalne zaštite Republike Srpske o realizaciji izgradnje smještajnih kapaciteta u kompleksu Zavoda za liječenje, rehabilitaciju i socijalnu zaštitu hroničnih bolesnika „Jakeš“ za potrebe **povratka, smještaja i zbrinjavanja izbjeglica, duševnih bolesnika iz R Mađarske u Bosnu i Hercegovinu, Ministarstvo je sredstva u iznosu od 300.000,00KM**, uplatilo Ministarstvu zdravlja i socijalne zaštite Republike Srpske.

Sredstva su uplaćena na ime **izgradnje dva paviljona u kompleksu Zavoda „Jakeš“**, u cilju prihvata, smještaja i neophodne trijaže po povratku, a zatim i u cilju liječenja, rehabilitacije i socijalne zaštite izbjeglica iz BiH-duševnih bolesnika koje trenutno borave u Izbjegličko-prihvatnom centru Debrecin u R Mađarskoj. U toku je realizacija navedenog Sporazuma, objekti se grade i očekuje se završetak izgradnje u prvom kvartalu 2009. godine.

1.8. Istraživački projekti

Realizacija sredstava u iznosu od 50.000,00 KM za podršku istraživanjima na terenu kojima će se doprinijeti utvrđivanju što približnijeg stanja u pogledu broja, sastava, rasporeda i problema u pristupu pravima izbjeglica, raseljenih osoba i povratnika, a po javnom pozivu za prikupljanje prijedloga ovih projekata.

OSTALI PROJEKTI U KOJIMA SUDJELUJE MINISTARSTVO

1.9. Projekti elektrifikacije povratničkih naselja

Sredstva u iznosu od 3.233.300,00KM se implementiraju putem Fonda za povratak, a usmjerena su na lokalitete u kojima će se realizirati zajednički projekti elektrifikacije povratničkih naselja u 2008. godini. Sredstva za elektrifikaciju izdvojena su temeljem Zaključaka Vijeća ministara BiH sa 20. sjednice održane 03. 09. 2007. godine, a u jednakom iznosu za period 2008.-2010. godine. Godišnji iznos je 3.233.300,00 KM. Ukupnim obezbjeđenim sredstvima za 2008. godinu planirana je elektrifikacija i priključenje 568 individualnih stambenih jedinica na području 30 općina.

1.10. Program oporavka i razvoja Srebrenice

Poseban dio aktivnosti Ministarstva za ljudska prava i izbjeglice u suradnji sa interresornom Komisijom za kontrolu procesa javnih nabavki i utroška finansijskih sredstava odnosi se na **provedbu Operativnog plana realizacije mjera Programa oporavka i razvoja Srebrenice iz rezervisanih sredstava Budžeta institucija BiH, u iznosu od 9.998.636,00 KM.** Radi se o ogromnoj aktivnosti, za čije realiziranje nisu postojale nikakve administrativno-pravne pretpostavke, dok je do danas u tom smislu sve pripremljeno i projekat je u punoj implementaciji.

PROJEKTI FINANSIRANI KREDITNIM SREDSTVIMA

1.11. Projekat obnove stambenog fonda – Kolektivni centri i alternativni smještaj putem kreditnog zaduženja kod Razvojne banke Vijeća Europe (CEB).

Ukupna vrijednost projekta 24 miliona KM, od toga kredit CEB 16 miliona KM i učešće BiH 8 miliona KM. Kredit se realizira po posebnim procedurama koje diktira CEB. Do kraja 2008. godine završeno je 825 stambenih jedinica, a u završnoj fazi biće izgrađeno oko 150 stambenih jedinica. Ukupno je do sada realizovano oko 17 mil. KM, a ukupno ugovoreno oko 21 mil. KM. Projekat je dodatno podržala i Vlada Kraljevine Holandije sa 9 mil. KM koje realizira NVO „Mercy Corps“ iz Tuzle, a odnosi se na mjere održivosti povratka za korisnike iz ovog projekta.

1.12. Projekat obnove stambenog fonda putem kreditnog zaduženja kod OPEC Fonda za razvoj u planiranom iznosu od 12 miliona KM.

Prethodno planirana dinamika zaključivanja ovog ugovora je prolongirana zbog neslaganja entiteta oko uslova realizacije ovog kredita. Tokom 2008. godine ponovo je pokrenuta inicijativa da se nastavi sa realizacijom što su svojim odlukama potvrdile vlade entiteta i Brčko Distrikt BiH. Prema dogovoru sa OFID finansijskim odjelom OPEC-a može se očekivati početak realizacije ovog projekta u 2009. godini, a projektom je predviđena rekonstrukcija cca 600 stambenih jedinica.

Na osnovu svega navedenog, može se zaključiti da je Ministarstvo za ljudska prava i izbjeglice tokom 2008. godine osiguralo kontinuitet i zakonito izvršenje raspoloživih sredstava.

Sumirajući iznose temeljem Sporazuma o udruživanju sredstava, namjenski izdvojena sredstva Vijeća ministara za elektrifikaciju i program za Srebrenicu, te sredstva osigurana kreditnim zaduženjem može se zaključiti da je na državnoj razini za sektor povratka u 2008. godini osigurano i raspoređeno **cca 65. mil. KM.**

PITANJE:

2. „Da li su sredstva bila dovoljna“?

ODGOVOR:

Prema broju podnesenih zahtjeva za rekonstrukciju stambenih jedinica u funkciji povratka, Ministarstvo za ljudska prava i izbjeglice BiH svake godine, pored ostalih analiza vrši i analizu nedostajućih sredstava za suštinsko okončanje Aneksa VII u dijelu koji se odnosi na rekonstrukciju u funkciji povratka.

Tako je Ministarstvo za ljudska prava i izbjeglice BiH procijenilo da su tokom 2008. godine nedostajuća sredstva iznosila cca 100. mil. KM i na to su upozoravani predlagači proračuna za 2009. godinu. Ovo iz razloga kako se nebi desilo da zaključci Vijeća ministara koji se odnose na izradu Jedinog Programu povratka za period 2009. – 2014. godine budu u suprotnosti sa mogućnostima Bosne i Hercegovine da potpuno prate potrebe na konkretnim lokalitetima povratka.

PITANJE:

3. „Koliko je bilo zahtjeva opravdanih i eventualno neopravdanih i koliko ih je riješeno djelomično ili potpuno“?

ODGOVOR:

Kao što smo naglasili u prethodnom odgovoru, Ministarstvo za ljudska prava i izbjeglice BiH, još od polovine 2004. godine vodi Centralnu bazu podataka o osobama koje su podnijele zahtjev za rekonstrukciju stambene jedinice u funkciji povratka. Zahtjev se podnosi na temelju Javnog poziva Ministarstva za ljudska prava i izbjeglice BiH, koji je objavljen u dnevnim novinama entiteta i Brčko distrikta BiH, a zahtjev je također dostupan na službenoj Web stranici Ministarstva www.mhrr.gov.ba.

Temeljem zaprimljenih zahtjeva formirana je Centralna baza podataka u kojoj je trenutno registrirano 47.000 porodičnih zahtjeva za rekonstrukciju u funkciji povratka. Tu se radi o ukupnoj populaciji od cca 150.000 osoba, koju je moguće analizirati sa aspekta nacionalne strukture i teritorijalnog rasporeda prema mjestu trenutnog boravka i prebivališta iz 1991. godine, odnosno mjestu povratka.

Podaci za 2008. godinu se još uvijek obrađuju, ali Ministarstvo za ljudska prava i izbjeglice BiH preliminarno procjenjuje da je tokom 2008. godine (sredstvima zajedničkih projekata na koja smo opširno odgovorili u prvom pitanju), zatim sredstvima nadležnih entitetskih i kantonalnih ministarstava i službe Brčko Distrikta BiH, sredstvima bilateralnih donatora kao što je npr. Vlada R Hrvatske sa 20. mil. Kuna na godišnjoj razini, zatim sredstvima međunarodne donatorske zajednice i dr. obnovljeno okvirno cca 2.000 stambenih jedinica za potrebe održivog povratka izbjeglica, raseljenih osoba i povratnika.

PITANJE:

4. „Kakve su procjene za 2009. godinu po istom pitanju“?

ODGOVOR:

Obzirom da su za ovu godinu planirana izdvajanja na približnom nivou iz prethodne godine, Ministarstvo za ljudska prava i izbjeglice BiH procjenjuje da će i u 2009. godini biti obnovljen približno isti broj stambenih jedinica kao u 2008. godini, skupa sa pratećom komunalnom i socijalnom infrastrukturom, čime se osigurava održivost povratka.

Trenutno se radi studija izvodivosti za suštinsko okončanje procesa povratka u narednom periodu od četiri godine, koja će uključivati i detaljan plan aktivnosti za 2009. godinu, kao i finansijsku procjenu potreba za njegovo realiziranje.